

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

6. Petitiō pro &c. Absolutio Wilielm. Okami ab Anathemate anno

[urn:nbn:de:hbz:466:1-74452](#)

ANNO
1347.

los Scholares in Jure Civili & Canonico, ac Medicina coram se examinari fecit per Doctores ipsius Studii, ipsiusque postea licentiam dedit, & quibusdam ex eis in examinatione praedicta licentiam & authoritatem legendi, & docendi tribuit, sicuti est in supradicta, & alius etiam Studii fieri generaliter consuetum. Quodque dum Rectores Universitatis Magistrorum & Scholarium Paduae deliberatione provida statuerunt, ut Scholaris ipsius Universitatis, qui deberent in Magistros assimi, coram Episcopo Paduano qui esset pro tempore, examinari deberent diligenter praesentibus Doctribus Universitatis ejusdem; & ut eisdem Scholaribus, si reperirentur idonei, deberet licentiam concedere Episcopus memoratus. Quodque deinceps statutum ejusmodi est inviolabiliter observatum; ipsumque statutum, sicut erat provide factum, felicis recordationis Urbanus Papa IV. Praedecessor noster auctoritate Apostolica confirmavit, decernendo, ut qui fecerit ibidem sibi Magistri nomen assumeret, pro Magistro nullatenus haberetur; prout Confirmatio & Decretum hujusmodi in litteris ipsius Urbani Praedecessoris nostri decretalibus confectis, quarum tenorem de verbo ad verbum praesentibus inferi fecimus, plenius continetur. Nos igitur spectantes, quod ad civitatem praedictam Scholaris eò promptius studendi causa se conferrent, quo Studium ipsum in eadem civitate majori fuerit auctoritate munitum; ac volentes propterea praefatum Studium, & Doctores & Magistros & Scholaris prosequi favorabiliiter, in parte ipsius Ildobrandini supplicationibus inclinati, consuetudinem praedictam, & ea quae, ut superius narratur, in praedictis ipsius Urbani Praedecessoris nostri litteris continentur, rata & grata habentes, auctoritate Apostolica ex certa scientia confirmamus, & praesentis scripti patrocinio communimus; indulgentes nihilominus auctoritate praedicta omnibus & singulis Doctribus, Magistris, & Scholaribus, ut ipsi dum in praedicto Studio docendo vel audiendo infirmiter scholasticis Disciplinis, omnibus libertatibus, & immunitatibus ac privilegiis de Jure communi seu approbata consuetudine concessis auctoritate Apostolica Doctribus, Magistris ac Scholaribus in Studiis Generalibus commorantibus gaudent & tantur. Statuentes etiam ad hoc, ut examinatione, approbatio & reprobatio Scholarium promovendorum ad Magisterium in Studio memorato semper, sicut fieri debet, cum puritate & sine fraude procedat, ut Doctores in eodem Studio praesentes ab eodem Episcopo requisiti ad examinandum Scholares promovendos ad Magisterium, justo impedimento cessante, venire, & illi qui in examinatione praedictorum Scholarium ibidem praesentes fuerint, de procedendo sine dolo & fraude in omnibus & singulis actibus in hujusmodi examinationibus opportunis & fieri consuetis praestate teneantur in ejusdem Episcopi manibus corporaliter juramentum, ac eidem Episcopi seu ejus vicem gerenti duntaxat votum ipsorum super idoneitate ac sufficientia Scholaris examinari, utrum scilicet approbandus sit an reprobandus, secrete ac signillatim, & in scriptis expondere ac manifestare similiter teneantur. In jungimus etiam Episcopo Paduano, qui erit pro tempore, sub virtute obedientiae, auctoritate praedicta, ut ipse in examinandis, approbandis, seu reprobandis personis examinatis, & erga Doctorum approbantibus Scholares examinatos votis secreto ferendis sine dolo & fraude proce-

dat. Nos insuper irritum decernimus & inane, si fecerit super his à quoquam quavis auctoritate contingenter alterari. Nulli ergo omnino hominum liceat &c.

Datum apud Villam Novam Avenionensis Diecclis 17. Calendas Junii, Pontificatus nostri anno quinto.

Absolutio Willielmi Okami ab Anathemate:
anno - - -

CLEMENTS EPISCOPUS,
Servus Servorum Dei, dilecto Filio Ministro Generali Ordinis Fratrum Minorum, Salutem & Apostolicam benedictionem.

Petito pro parte tua & dilectorum Filiorum Capituli Generalis tui Ordinis nobis exhibita continebat, quod aliqui Fratres vestri Ordinis quamvis paucissimi, qui quondam Michaeli de Cæsena & Ludovico de Bavaria obediuerunt, & specialiter Guilhelmus de Anglia dicti Ordinis Professor in Monachio remansisse noscuntur, idemque Guilhelmus sigillum antiquum dicti Ordinis, quod diu habuit, tibi remisit, & tam ipse, quam alii dicti Fratres residui, ab excommunicationis, suspensionis, & interdicti sententiis, atque poenis in tales per processus Apostolicos promulgatos, quas idem Wilhelmus & alii Fratres adhaerendo seu obediendo Michaeli & Ludovico praedictis incurserunt, desiderant se absolviri, suntque parati nostri & ejusdem Ecclesie mandatis obediare. Quocirca pro parte tua & ipsorum Capituli nobis extitit humiliter supplicatum, & ut eisdem Fratribus, qui ad Romanam Curiam, sicut asserunt, commode venire non possunt, ipsorumque statui super hoc providere de benignitate Apostolica dignaremur. Nos itaque votis eorum volentes annuere in hac parte, vestris supplicationibus inclinati, discretioni tuae, de qua speciale in Domino fiduciam gerimus, Wilhelmu & alios fratres praedictos eidem Ecclesie reconciliandi, eosque à dictis sententiis atque poenis, juxta formam per nos super hoc ordinatam, ac de verbo ad verbum praesentibus annotaram, infra annum à data praesentium, si hoc humiliter petierint, absolvendi plenam & liberam concedimus auctoritate Apostolica tenore praesentum facultatem. Forma autem solutionis talis est. Ego N. Ordinis Fratrum Minorum Professor, confiteor me tenuisse & tenere fidem Catholicam, credere & tenere, quod credit & tenet, & docet sancta mater Ecclesia Romana, ac credidisse & adhuc credere, quod non spectat ad Imperatorem, Papam seu Summum Pontificem deponere & alium eligere vel creare; sed hoc haereticum reputo & haeresim damnatam per Ecclesiam supradictam. Insuper ad Sancta Dei Evangelia juro, quod stabo & parebo mandatis Ecclesie & Domini nostri Papæ super illatis injuriis & contumacitis fautoriis & aliis implicitè vel explicitè per me confessatis, & non confessatis, ac ceteris penitentia & sententiis, quas incurri ab homine vel à jure propter praemissa & ea tangentia. Et quod D. Papæ qui nunc est, & ejus successoribus canonice intrantibus fidelis ero de cætero, eisque debitam obedientiam

ANNO
1347.VI.
Ex Hist.
Univers.
Parisiens.
Bulxi
Tom. 4.
P. 317.

ANNO
1358.

& reverentiam exhibeo, nec hæretibus, erro-
ribus, opinionibus seu rebellionibus contra-
dictam Ecclesiam Ludovici quondam de Bava-
ria & Michaelis de Cæfena vel fautoribus suis
sive ei adhærentibus aut ejus sequacibus in
rebellione dicta Ecclesiæ seu aliis hæreticis ac
schismatis adhærebo, aut cum eorum sequa-
cibus per dictam Ecclesiam denotatis deinceps
ero, nec eis seu aliis quibuscumque dabo con-
tra Romanam Ecclesiam, confilium, auxilium,
vel favorem, directè vel indirectè, publicè vel
occultè, nec cum quoconque in præfata Eccle-
siæ rebellione existente faciam alligationem, con-
spiracyem, sive ligam.

Datum Avenion. 6. Id. Junii. Anno 8. &c.

ANNO
1352.

INNOCENTIUS SEXTUS, PONTIFEX CCI.

ANNO DOMINI MCCCLII.

Innocentius Lemovicensis, antea Stephanus Albertus, successit Clementi VI. anno 1352. cum Sedes Avenioni adhuc esset; Romam reformatione opus habere agnovit; Bello inter Gallum & Anglum ferventi finem imponere annis frustra fuit. Joannem de Rupescisa Franciscanum, quod Apocalypsim contra Romanam Sedem exponeret, comburi jussit. Obiit anno 1362. (*Magni Bullarii Romani Tom. I. hujus Edit. Luxemb. 1727. fol. 258. App.*)

I.
Ex Arch.
Angliae
Rymar
Tom. 6.
pag. 103.

Bulla super discordia inter Regem Navarræ & Normanniæ Ducem suborta: anno 1358.

INNOCENTIUS EPISCOPUS,

Servus Servorum Dei carissimo in Christo Filio, Eduardo Regi Angliae illustri, Salutem & Apostolicam benedictionem.

Nuper sinistris relatibus intellecto, quod pacis æmulo, humani generis inimico, subortam inter carissimum in Christo Filium nostrum, Carolum Navarræ Regem illustrem, & dilectum Filium, nobilem Virum Carolum Ducem Normanniæ, carissimi in Christo Filii nostri Johannis Regis Francorum illustris Primo-genitum, dissensionem damnabilem suis incentivis calliditatibus inflammante, utraque partium ad periculosa guerrarum discrimina, congregatis undique viribus, se parabat. Nos cupientes hujusmodi periculis, quantum cum Deo possumus, obviare, venerabilem Fratrem Taylarandum, Episcopum Albanensem, & dilectum Filium nostrum Nicolaum, Tituli Sancti Vitalis Presbyterum, Cardinales,

Apostolicæ Sedis Nuncios, ad sedandum discordiam ipsam, & pacem inter dictas partes, auctore Domino, reformandum, de Fratrum nostrorum consilio providimus destinando. Ideo Serenitatem tuam attentes pre-cibus exhortamus, quatenus ad bonum pacis, per quam animarum periculis obviatur, populi proficiunt, & utilitas gentium custoditur, ubicumque possis, salubriter propagandum tuum semper animum dirigens & disponens, præfatis Nunciis, ut ad partes illas securè accedere valeant, nostrum obtentu precamini, de seculo conductu velis liberaliter providere, & alias eis in prosecutione dicti negotii tuum exhibere consilium & favorem. Ita quod inde Regi pacifico placeas, nosque & Apostolica Sedes tuam exinde Celititudinem dignis possimus laudibus commendare.

Datum Avinioni tertio Calendas Septembbris, Pontificatus nostri anno sexto.

ANNO
1360.

Bulla de Ecclesiasticis in Regno Franciæ non molestandis: anno 1360.

IL
Ibidem
pag. 172.

INNOCENTIUS EPISCOPUS,

Servus Servorum Dei carissimo in Christo Filio, Eduardo Regi Angliae illustri, Salutem & Apostolicam benedictionem.

Dilectum Filium, nobilem Virum Guilliel-mum de Berton, Militem, Nuncium, & Ambassatorem tuum, ad nostram se nuper præsentiam conferentem, consideratione mittentis, & sua insuper multæ discretionis intuitu, benignè suscepimus, ac petitiones tuas, per eum nobis, tam prævidè, quam sapienter expositas, intelleximus diligenter, & deinde petitionibus ipsis, in illis, in quibus cum Deo potuimus, prout ab eodem Nuncio informationem recipere valebit tua Serenitas pleniorem, de benignitate Apostolica duximus annuendum. Nos enim, erga tuam Excellentiam gerentes præcipue caritatis affectum, & benevolentiam singularem, in eis, quæ grata, & accepta tibi fore noverimus, prout secundum Deum poterimus, libenter intendimus votis tuis annuere, & desideriis complacere. Postremo, cum saepius ad nostram audientiam plurimorum relatio fide digna perduxerit, quod per tuas gentes armigeras nonnullis Ecclesiæ ac Ecclesiasticis Personis in Regno Franciæ constitutis, quod præter, immo contra tuae Serenitatis conscientiam fieri non ambigimus, plurima damnatio & molestia multipliciter inferuntur; Serenitatem eandem attente rogamus, & paternis in Domino affectibus obsecramus, quatenus pro honore Dei & nostræ ac Apostolicae Sedis reverentia Ecclesiæ, & Ecclesiasticæ personas easdem regentes ipsas turbari vel molestari aliqualiter non permittas, sed eas potius suscipias de mansuetudine Regia commendatas.

Datum Avinioni VI. Calendas Maji, Pontificatus nostri anno octavo.

Exclusio